

21. sum quoque respiciens opere fungi debes. Quidquid desti-
nat optimus quisque, id ipsum cetera multitudo; quod ille
22. exemplum proponit, id vulgus deinde sectatur. Non mi-
hi, o Prithae fili, quidquam in mundo tergemino est pera-
gendum, nec adipiscendum, quod nondum adeptus fue-
23. rim: versor tamen in opere. At si ego unquam non ver-
sarer in opere impiger, *quandoquidem* mea vestigia sectantur
24. homines, o Prithae fili, omnimodo, pessum ituri essent hi
mortales, nisi opus ego peragerem, et colluviei auctor forem,
25. et exitio traderem hancce progeniem. Implicati opere in-
sipientes sicuti agunt, o Bhârata, sic sapiens agat sine am-
26. bitione, curans generis humani adsensum, nec opinio-
num discrepantiam gignat inter ignaros opere implicatos.
Fungatur omnibus operibus sapiens, devota mente ad ea se
27. accingens. Naturae qualitatibus peraguntur omnimodo ope-
ra; sui fiducia qui fallitur, eorum se ipsum auctorem esse ar-
28. bitratur. At veri gnarus, o heros, de gemino qualitatum
operumque discrimine: »qualitates in qualitatibus versantur,«
29. sic arbitratus, non implicatur. Naturae qualitatibus dece-
pti, implicantur operibus qualitatum; hos universitatis igna-
30. ros, tardos, gnarus universitatis haud labefactet. Cuncta
opera in me deponens, cogitatione ad intimam conscientiam
conversa, nulla spe erectus, rerumque tuarum incuriosus,
31. pugna, aegritudine depulsa. Qui hoc meum decretum
semper observant homines, fidei pleni, haud obtrectantes, hi
32. operibus quoque emancipantur. Qui vero, istud obtrectan-
tes, haud observant meum decretum, hos omni scientia extur-
33. batos scias pessumdari rationis inopes. Ad id quod suae
naturae consentaneum est, tendit sapiens quoque; naturam
34. sequuntur animantia: quid coërcendo efficietur? Rebus